

中國方志叢書·華北地方·第四一五號


據

民國·劉玉璣修，張其昌纂
民國二十一年鉛印本

影印

山西省

臨汾縣志



成文出版社有限公司印行

6973975



10094136

中國方志叢書·華北地方·第四一五號


據

民國·劉玉璣修，張其昌纂
民國二十一年鉛印本

影印

山西省

臨汾縣志



成文出版社有限公司印行

5462/69



10094137

中國方志叢書·華北地方·第四一五號

據

民國·劉玉璣修，張其昌纂
民國二十二年鉛印本

影印

山西省

臨汾縣志

(三)

成文出版社有限公司印行

960269



10094138

中華民國六十五年

月壹一版

臨汾縣志

全三冊

發行人：黃

成

助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

臨
潯
縣
志

民國癸酉
年重陽

重修臨汾縣志序

余蒞是邑今四次矣新政繁興百端待理每歉然以不勝任慮夙夜自勵不遑居也案牘之餘翻閱邑乘自乾隆戊戌重修後迄今百五十年未加修訂其間文獻散佚數典闕如殊爲缺點夫邑之有乘固取其及時登載後有所繼也民國七年承乏斯邑見其殘缺深以爲憾中經歷任縣令或議改而未經實行或修之而因事中止日復一日散佚愈多今

已兩易寒暑矣念邑乘爲文獻所繫長此擱置不惟無

前人之志抑亦考古者所深病詩亡然後春秋

爲

惓惓於魯史也況自學校聿興風化日新政治上社會上一切法令習俗逐漸改良月異而歲不同往事可鑑來軫方邇

若不從事修輯何以資銜接而備考鏡爰謀諸士紳設局纂
修閱五月而成書內列大綱六曰考曰略曰譜曰錄曰記曰
類細目凡二十有三非敢曰是爲完書尤望後之來者時有
補益不至如杞宋之不足徵也則幸矣民國二十二年癸酉
秋月東光劉玉璣謹識

臨汾縣志舊序

萬曆辛卯年

明邑 邢雲路

粵若稽古帝堯平章百姓百姓昭明斯民也自堯封歷百代文獻在焉壯哉汾邑實陶唐昭明之國而乃方策散逸誌錄爲缺者幾數千百年雖間有類述之者顧於是邑也考焉而弗詳有之信焉而或舛有之亡徵不信其誰與從僕乃馳騁前古蒐括隱頤綜覽名物計心輯衆成爲一家俾一同之中三才之道備焉賤臣小材敢揚斯緒上自黃唐迄於今日通爲邑志凡九篇其叙曰參絡儲精冀方辨土比屋可封風淳自古陟彼姑射頽眺康衢提封百里利我上腴永奠乃家出作入息尹臣司汾是圖是職述地理志第一土階茅茨構自堯墟基命定命厥制不渝於顯康邑旣麗且都官衙學館治教惟先雲氣山林宮闕像

焉棲眞曜景輪奐相連興革從道述者之賢述宮室志第二禹
乘四載帝都是亟畎澮順經艱食乃粒振古若茲沃土毋逸平
潞汾潒洞溝澍汙舉插興雲決渠降雨勉哉勸農利我禾黍述
溝洫志第三先王攸寶土地人民洪範首政食貨惟均生齒登
耗原田稼穡租調公旬艱哉民力勤斯不匱物產在焉不貴異
物生生乃恬述田賦志第四地醞正氣神堯載興多男衍緒傳
於漢京伊祁舊墟康衢遺墅協帝我皇纂堯之緒澤潤汾川民
止其所述帝系志第五剖符百里爲民保釐秩事以次官師相
維收存愛軌訓樹芳規範我後人如何勿思述職官志第六於
鑠唐封坤靈雄鉅乃毓碩人蜚聲宏樹顯隱順蹇歸潔則同名
並河山相爲始終述人物志第七祲降豐荒吉凶悔吝何省非

予天尤人勝告往知來畏茲明命亦有異端佛老之術疑以傳疑智者不惑述祥異志第八篆肇頡史典傳陶唐述矣文明實興是邦述作代有後先相望天籟吹萬大竅砰訇如予處壁亦得蛩鳴述藝文志第九

臨汾縣志舊序

萬曆辛卯年

陳王道

夫志史也所以稽往昔而紹將來也古者千乘之國與附庸之邦皆有史以紀時事自秦割列國而郡縣之則志固史之易名耳我臨汾爲平陽附郭邑阻姑帶汾實堯舜禹甸服之墟亦巨邑也舊無志豈以爲邑麗於郡而不必志歟抑當事者惟薄書期會是急而以此爲迂圖也嗟乎信缺典矣頃安肅澤字邢侯以庚辰進士奉命拜邑令憫茲缺典恆嘖嘖嘆恨已勃勃思興

矣顧政急先務施爲次第未遑也迨今歲辛卯候視邑篆者蓋五年所于茲矣政修人和百廢咸振乃惓惓於邑志之作於是屬草於庠之師生輩蓋以輿論之公也侯則竭精殫思窮蒐周采親加筆削而覈訂焉然後捐俸命梓遂成完典愚鄉人也樂觀厥成乃起而嘆曰斯志也侯之所以惠我邑民者鉅且久已何者蓋志誌也所以誌一邑之事而備省鑒者也載觀斯志上自天文下及地理中及人物風俗田賦戶口職官古蹟諸類挈綱析目靡所罣漏燦乎其有文也秩乎其有理也誠足以稽往紹來信今傳後俾觀風者有所采錄司牧者有所循據譬之善治家者焉凡厥田原宮室錢貫租餽桑麻畜產及一切瑣細之屬靡不登諸籍記俾一展視則治家之務井井自成矣然則司

牧者時一觀斯志其治邑之政豈不章章明備舉而措之裕如矣乎雖然此特侯之緒餘耳若乃惠政之在人也其細者無論論其大者侯始下車連遭大祲乃遍戾鄉落督粥起餓萬姓賴以更生兩編徭役蒼赤安業里閭無愁嘆聲至如濬築潞河通水灌田不啻千頃俾斥鹵爲腴壤垂千百載不朽之利之數者皆彪炳簡秩而耿耿不磨者也使後之司牧者誠按其籍而行之取其政之大者而亟行之則侯之德惠斯民者不其鉅且久歟愚繇是益知斯志之作也固足爲司牧者之幸尤深爲斯邑斯民之幸云

臨汾縣志舊序

萬曆壬辰年

蕭良有

今天下載籍極博尤莫博於諸郡邑志乃識者獨鰓鰓焉閔其

鑒於體也體之鑒志之亡也蓋文有所互發而體有所獨裁要以記實存微彰往訓後質而不俚瞻而不穢志之體若是止耳不然任胃臆偏軒輊不關世教雖工不取故有獨詳於地勢者矣則輿圖集也有獨備於戶役者矣則黃白冊也有獨周於秩官者矣則薦紳覽也有獨悉于人材者矣則科目考也有獨瑣於異流者矣則稗官錄也有獨麗於詞賦者矣則文苑編也而奚志之爲識者閔焉余友安肅邢士登氏令臨汾之五載政通人和百廢具舉乃爲志志成擢兵部尙書郎來燕中以眎不佞不佞卒業嘆曰美哉志乎斯所謂不鑒于體者乎彼其志地利志宮室志溝洫而不謂之輿圖集也志田賦而不謂之黃白冊也志帝系志職官而不謂之科目考也志祥異志藝文而不謂

之稗官錄文苑編也無它識體故也稽之事則不悖臨之詞則有典鏡之往則不謬俟之來則弗惑噫嘻臨汾固堯舜禹湯數聖人肇跡之所祠墓在焉乃歷幾千萬年厥有斯志足稱大觀豈其靈將有待歟斯文在茲來者可式微獨循吏庶幾史才甚盛已余獨慨士登氏之不爲史而爲吏也雖然周官有內外史以掌天下之志有職方氏以掌郡國之志夫非士登氏今官耶士登氏勗矣九邊八域疇非堯封亦疇非一邑之積也誠網羅參訂上下二三百載故實勒成一家言其體稍殊其義惟一則斯志實權輿焉余不佞且嚆矢視也士登氏勗矣

臨汾縣志舊序

萬曆辛卯年

楊起元

夫邑之有志蓋倣古列國之史而爲之者邑庶事若蠅毛曷可

縷數而其大者若陵谷風會往躅遺編類以考古鏡今則世道民情恆繫之釋此不志曷論文獻將使遠邇上下恣恣焉如長夜卽欲驗世道而警民情其術無繇已善哉周官之制也有小史以掌邦國之志有外史以掌四方之志而又有職方氏以掌天下之圖籍非以其事重故重之耶吾臨汾爲唐堯故都若稽古平章昭明之化康衢擊壤之風抵今望之昭昭然如日星之在天典籍之文可考也代之變也亡慮數千百年諸所稱陵谷風會往躅遺編散見於諸史家及學士大夫之所誦說者非不爛然具也獨奈何數千百年寥寥未志此豈盛明世所謂重文事哉余邑侯澤宇先生學道君子也先生蒞吾邑凡五載而政成政成而志始作以先生才奚所爲遲之於歲月之久而每念

問閭多故是爲日夜急也往歲侵民大饑鰥寡失所餓莩相藉
學舍傾圮造作無方先生怡然曰吾責在字民一民飢我飢之
也鰥寡向隅養生喪死有憾予之辜也民風士習非予覺之而
誰也吾數者未效吾何暇文獻爲則自是發粟捐俸煮粥徧窮
鄉開河渠置義塚恤瑩獨暮蠶校勞心殫思皇皇乎未之倦也
而先生顧於庶務之暇探奇履勝彰往察來上下數千年廣袤
數百里于所稱陵谷風會往躅遺編可以驗世道警民情者先
生蓋游目委心數計而燭照之有日矣且以今五載之久湛恩
滂沛物阜民登先生怡然曰吾政治吾所爲不暇暇矣吾奈何
事期會遺文獻而使遠邇上下竟恣恣如長夜哉于時下令旁
蒐毅然獨斷此志之所由作也信乎子長氏之言曰載籍極博